



Broj: 10/E-11-4819-1/26
Sarajevo, ~~03-09-2026~~ 2026. godine

Na osnovu člana 10. stav (3) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), u skladu sa odredbama Uredbe Evropske komisije (718/2007 i 80/2010), a prema pravilima Praktičnog vodiča za postupke ugovaranja u okviru vanjskog djelovanja Evropske unije – PRAG (EuropeAid), a na osnovu zahtjeva Službe za lokalno ekonomski razvoj i mjesnu samoupravu od 31.8.2026. godine, Općinski načelnik donosi

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se usluge rezervacije povratnih avionskih karata u Torino – Italija, u okviru projekta „Streets for citizens“.

Član 2.

Procijenjena vrijednost nabavke usluga iz člana 1. ove odluke iznosi 2.700,00 KM bez PDV-a. Sredstva za realizaciju predmetne nabavke planirana su u Budžetu Općine Centar Sarajevo za 2026. godinu, na budžetskom kontu 613100. JRJN: 63515000-2 – Usluge putovanja.

Član 3.

Predmetna nabavka provest će se u skladu sa pravilima Praktičnog vodiča za postupke ugovaranja u okviru vanjskog djelovanja Evropske unije – PRAG (EuropeAid), kao pravilima nabavke primjenjivim na projekat koji se finansira sredstvima Evropske unije.

Član 4.

Danom stupanja na snagu ove odluke prestaje da važi Odluka broj: 10/E-11-4819/26 od 21.8.2026. godine o izuzeću od primjene Zakona o javnim nabavkama.

Član 5.

Ova odluka stupa na snagu danom donošenja i objavit će se na službenoj internet stranici Općine Centar Sarajevo.

O b r a z l o ž e n j e

Služba za lokalno ekonomski razvoj i mjesnu samoupravu dostavila je dana 31.8.2026. godine zahtjev za donošenje odluke o izuzeću od primjene Zakona o javnim nabavkama za nabavku povratnih avionskih karata u Torino – Italija, u okviru projekta „Streets for citizens“.

Predmetna nabavka finansira se putem međunarodnih sporazuma/projekata, a uslovi ugovaranja su definisani samim projektom i partnerstvom.

Procijenjena vrijednost za predmetne usluge iznosi 2.700,00 KM bez PDV-a u okviru transnacionalnog programa EU INTERREG EURO-MED.

Projekat se finansira iz sredstava Evropske unije, putem Instrumenta za pretpristupnu pomoć (IPA), u iznosu većem od 50% ukupne vrijednosti projekta.

Predmetne usluge će se provesti u skladu s pravilima Praktičnog vodiča za postupke ugovaranja u okviru vanjskog djelovanja EU - PRAG ("EuropeAid", 12.21, 01.23, 11.23 i 01.25).

Članom 10. stav (3) Zakona o javnim nabavkama propisano je da se za ugovore o javnoj nabavci koji se u iznosu većem od 50% sufinansiraju od strane međunarodne organizacije ili međunarodne finansijske institucije primjenjuju postupci nabavke o kojima se sporazumiju ugovorne strane.

Nadalje, članom 18. stav (2) istog zakona propisano je da je u slučaju izuzeća od primjene iz člana 10. Zakona ili za dodjelu ugovora o nabavci usluga iz Aneksa II, ugovorni organ dužan donijeti odluku koja, pored zakonskog osnova za izuzeće, sadrži i osnovne elemente iz člana 18. stav (3) Zakona.

Po ranijem zahtjevu Službe za lokalno ekonomski razvoj i mjesnu samoupravu donesena je Odluka broj: 10/E-11-4819/26 od 21.8.2026. godine o izuzeću od primjene Zakona o javnim nabavkama za isti predmet nabavke, na osnovu tada utvrđene procijenjene vrijednosti predmetnih usluga.

Nakon donošenja navedene odluke došlo je do povećanja tržišnih cijena usluga rezervacije avionskih karata, zbog čega procijenjena vrijednost utvrđena prethodnom odlukom više ne odgovara aktuelnim tržišnim uslovima i nije dovoljna za realizaciju predmetnih usluga.

Iz tog razloga Služba za lokalno ekonomski razvoj i mjesnu samoupravu, nije u mogućnosti izvršiti rezervaciju povratnih avionskih karata pod uslovima utvrđenim prethodnom odlukom, te je dostavila novi zahtjev sa ažuriranom procjenom vrijednosti predmetnih usluga.


Prethodna odluka bila je zakonita i pravilna u vrijeme njenog donošenja, budući da je donesena na osnovu tada raspoloživih podataka o procijenjenoj vrijednosti predmetnih usluga. Međutim, naknadna promjena tržišnih okolnosti, predstavlja novu činjeničnu osnovu za odlučivanje, zbog čega je potrebno donijeti novu odluku o izuzeću sa procijenjenom vrijednošću koja odgovara aktuelnim uslovima realizacije usluga.

Radi pravne sigurnosti i izbjegavanja istovremenog postojanja dvije odluke koje se odnose na isti predmet, ovom odlukom određeno je da prethodna odluka broj: 10/E-11-4819/26 od 21.8.2026. godine prestaje da važi danom stupanja na snagu ove Odluke.

Analizirajući predmetni zahtjev, utvrđeno je da su ispunjene pretpostavke za realizaciju predmetnih usluga, odnosno da su finansijska sredstva za ove namjene planirana u Budžetu Općine Centar za 2026. godinu, na budžetskom kontu: 613100.

Shodno zakonu i općim aktima Općine, Općinskom načelniku dostavlja se prijedlog Odluke o izuzeću od primjene Zakona o javnim nabavkama na konačno odobravanje i saglasnost.

Imajući u vidu da su u konkretnom slučaju ispunjeni uslovi za izuzeće iz člana 10. stav (3) i člana 18. stav (2) Zakona o javnim nabavkama ("Službeni glasnik BiH", broj 39/14, 59/22 i 50/24) odlučeno je kao u dispozitivu.



Dostaviti:

1. Službi za lokalno - ekonomski razvoj i mjesnu samoupravu
2. Kabinetu općinskog načelnika - Odsjeku za javne nabavke
3. Službi za finansije
4. Evidenciji